

LUTRIJA BOSNE I HERCEGOVINE d.o.o.
S A R A J E V O

Broj: 03-SP-1105-1/24

Dana:04.06.2024.godine

Na osnovu člana 29. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), člana 17. Zakona o igrama na sreću ("Sl. novine FBiH", broj 48/15 i 60/15), i člana 7. Pravilnika o sadržaju pravila, uvjetima i načinu priređivanja nagradnih igara („Sl.novine FBiH“, broj 30/16, 63/19, 92/20, 12/22 i 67/23), direktor Lutrije Bosne i Hercegovine, donosi

P R A V I L A
organizovanje OnLine nagradne igre -kviza "Put ka sreći"

OSNOVNE INFORMACIJE O PRIREĐIVANJU NAGRADNE IGRE

Član 1.

Ovim Pravilima detaljno se uređuju uslovi za organizovanje nagradne koju organizuje Lutrija Bosne i Hercegovine d.o.o. Sarajevo (u daljem tekstu: Organizator), sa sjedištem u Sarajevu, ulica Mehmeda Spahe br. 11, ID broj: 4200496180007, registrovana kod nadležnog suda, čija je djelatnost priređivanje svih vrsta igara na sreću.

NAZIV NAGRADNE IGRE

Član 2

Naziv nagradne igre-kviza je "*Put ka sreći*".

TRAJANJE I SVRHA PRIREĐIVANJA NAGRADNE IGRE

Član 3.

Nagradna igra traje u periodu od 29.06.2024. godine do 27.01.2025. godine , a priređuje se u svrhu promocije brenda Lutrije BiH i brenda igara TV Bingo, Loto 6/39 i Vanrednih kola TV Binga.

Član 4.

Nagradna igra organizuje se na teritoriji Federacije Bosne i Hercegovine.

Član 5.

Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Federacije Bosne i Hercegovine, Rješenje Fedrealnog mnistarstva finansija br. UP-05-12-1-648/24 od 20.06.2024. godine, kojim je data saglasnost.

Član 6.

Organizator će obezbjediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.

Član 7.

Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.

Član 8.

Za vrijeme trajanja nagradne igre, pravila su dostupna i na web stranici Lutrije BiH www.lutrijabih.ba.

USLOVI UČESTVOVANJA U NAGRADNOJ IGRI

Član 9.

Pravo učesća u nagradnoj igri imaju fizička lica, punoljetni igrači, koji u ONLINE aplikaciju **“Put ka sreći”** koja se nalazi na web stranici www.putkasreći.ba unesu tražene podatke:

- Ime i prezime
- Mail adresu (nije obavezno)
- Broj mobitela
- Grad
- Datum rođenja
- Posebno generisani Kviz KOD koji se nalazi na Potvrdi o uplati igara TV Bingo, Vanredni TV Bingo ili Loto 6/39.

Član 10.

Nakon unosa podataka na www.putkasreći.ba, igrač pristupa pitanjima (kviz sadrži ukupno 9 pitanja).

Igrači koji su ukucali ispravan Kviz KOD sa potvrde o uplati listića za redovno kolo TV Binga ili Loto-a 6/39 u svakom ciklusu, u zavisnosti od broja tačnih odgovora mogu osvojiti neku od nagrada:

- odgovorili tačno od 1 do 3 pitanja učestvuju u izvlačenju:
20 PAKETA SREĆKI U VRIJEDNOSTI 50 KM;
- odgovorili tačno od 4 do 6 pitanja učestvuju u izvlačenju:
20 PAKETA SREĆKI U VRIJEDNOSTI 50 KM;
1 MOBILNI TELEFON;
- odgovorili tačno od 7 do 9 pitanja učestvuju u izvlačenju:
20 PAKETA SREĆKI U VRIJEDNOSTI 50 KM;
1 MOBILNI TELEFON;
1 PLAY STATION.

Svi igrači koji su ukucali Kviz KOD sa potvrde o uplati za Vanredno kolo TV Binga bez obzira na broj tačnih odgovora u svakom Vanrednom kolu u toku trajanja nagradne igre učestvuju u izvlačenju sljedećih nagrada:

1 PUTOVANJE
1 DRON
1 MOBILNI TELEFON

Član 11.

Igrač može učestvovati u nagradnoj igri onoliko puta koliko ima uplaćenih listića i KVIZ KODOVA u definisanom vremenskom periodu odnosno ciklusu nagradne igre. Jedan Kviz KOD može osvojiti samo jednu nagradu.

Član 12.

Nagrade će se izvlačiti u ciklusima prema sljedećem rasporedu. Svi koji uplate igru Loto 6/39 ili redovno kolo TV Binga u pojedinom ciklusu nagradne igre te ispune uslove iz člana 8. ovih pravila učestvuju izvlačenju prema sljedećem rasporedu:

1. Ciklus od 29.06. do 31.07.2024.- izvlačenje 02.08.2024.
2. Ciklus od 01.08. do 31.08.2024.- izvlačenje 03.09.2024.
3. Ciklus od 01.09. do 30.09.2024.- izvlačenje 02.10.2024.
4. Ciklus od 01.10. do 31.10.2024.- izvlačenje 04.11.2024.
5. Ciklus od 01.11. do 30.11.2024.- izvlačenje 04.12.2024.
6. Ciklus od 01.12. do 26.12.2024.- izvlačenje 31.12.2024.
7. Ciklus od 27.12.2024. do 27.01.2025.- izvlačenje 30.01.2025.

U svakom pojedinom ciklusu izvlače se sljedeće nagrade:

- 20 paketa srećki pojedinačne vrijednosti 50,00KM
- 1 mobilni telefon vrijednosti 898,08 KM +PDV
- 1 play station vrijednosti 1.145,00 KM +PDV

Igrači sa listićima za 3., 4. i 5. Vanredno kolo TV Binga učestvuju u periodu prodaje listića za Vanredna kola igre na sreću TV Bingo i to kako slijedi:

3. Vanredno kolo od 29.06. do 07.08.2024.- izvlačenje 09.08.2024.
4. Vanredno kolo od 31.08. do 09.10.2024. - izvlačenje 11.10.2024.
5. Vanredno kolo od 16.11. do 31.12.2024.- izvlačenje 08.01.2025.

Za svako pojedino Vanredno kolo TV Binga izvlače se sljedeće nagrade:

- 1 mobilni telefon vrijednosti 898,08 KM+PDV
- 1 dron vrijednosti 798,80 KM+PDV
- 1 putovanje vrijednosti 2.333,33 KM + PDV

Aranžman putovanja uključuje:

- ✓ Aranžman za 2 (dvije) osobe
- ✓ Avio kartu (sa uključenom aerodromskom taksom)
- ✓ Smještaj u hotelu najmanje 4 zvjezdice
- ✓ Spavanje od najmanje 5 (pet) noći
- ✓ Usluga u hotelu je noćenje sa doručkom

Napomene:

- Dobitnici putovanja u Nagradnim igrama Organizatora će realizaciji putovanja pristupiti u terminu koji im bude odgovarao, a najkasnije 6 (šest) mjeseci nakon ostvarenja dobitka.
- Dobitnik nije obavezan iskoristiti ponuđenu destinaciju, odnosno, može izvršiti zamjenu putovanja za drugu destinaciju iz ponude agencije.

- Svi polasci za navedena putovanja su iz Sarajeva.
- Dobitnici će birati termin putovanja (u roku od 6 (šest) mjeseci, nakon što budu izvučeni).
- Agencija zadužena za realizacije putovanja je “Ventura travel agency” d.o.o.
- Državljanima BiH za definisana putovanja (Francuska-Pariz, Španija - Andaluzija i Barselona) nije potrebna viza, u slučaju da se dobitnik odluči za putovanje izvan definisanih vrijednosti (2.333,33 KM) i lokacija - sam snosi dodatne troškove.
- Vrijednost putovanja ne može biti ispod definisanog iznosa (za sve nagrade su provedeni postupci javne nabavke koji je izričit po ovom pitanju).
- Pravilima ove nagradne igre učesnici i ostvarivanje dobitka je omogućeno samo punoljetnim licima. Druga osoba, odnosno saputnik dobitnika ni na koji način nije uslovljena i tretirana pravilima ove nagradne igre.
- Odgovornost za realizaciju putovanja snosi navedena turistička agencija dok Lutrija BiH ima odgovornost za izvlačenje i iskorištenost putovanja prema zakonu o nagradnim igrama.

Član 13.

Učesnici u nagradnoj igri nije dozvoljeno osobama koje su zaposlene kod Organizatora Nagradne igre kao i članovima njihove uže porodice. Dobitnik nagrade pružit će na zahtjev organizatora, sve informacije i dokumente potrebne za primjenu pravila i ostalih odgovarajućih zakona.

Član 14.

Učestvovanjem u nagradnoj igri učesnici prihvataju ova Pravila nagradne igre.

NAČIN IZVLAČENJA DOBITNIKA NAGRADA

Član 15.

Izvlačenje dobitnika će biti realizovano iz formirane baze prikupljenih podataka, nakon analize unesenih Kviz KODOVA. Dobitnici će biti izvučeni random metodom. Igrači koji su uzeli učesništvo u kvizu, a nisu unijeli sve podatke (označene zvjezdicom) ili ispravan Kviz KOD neće učestvovati u izvlačenju nagrada.

Učesništvo u definisanim ciklusima će se zaključavati posljednjeg dana ciklusa u 24 sata. Učesništvo u vanrednim kolima će biti zaključano posljednjeg dana prodaje listića u 17:30 sati.

Član 16.

Izvlačenja dobitnika su javna i biti će održana: 02.08.2024., 03.09.2024., 02.10.2024., 04.11.2024., 04.12.2024., 31.12.2024. i 30.01.2025. dok će se za vanredna kola izvlačenja obaviti dana, 09.08.2024., 11.10.2024. i 08.01.2025. godine.

Sva izvlačenja su sa početkom u 11:00 sati, u prostorijama organizatora (Mehmeda Spahe br.11. Sarajevo).

Član 17.

Za svaku nagradu izvlači se i po dva alternativna dobitnika, koji se smatra dobitnikom u slučaju da prvobitno izvučeni dobitnik ne ispunjava uslove iz ovih Pravila ili u slučaju da prvobitnog dobitnika nije moguće obavijestiti o osvajanju nagrada jer je naveo

pogrešan kontakt telefon.

SASTAV KOMISIJE ZA IZVLAČENJE NAGRADA

Član 18.

Organizator će imenovati tročlanu komisiju koja će nadgledati regularnost javnog izvlačenja dobitnika.

O toku izvlačenja Komisija će voditi zapisnik koji će minimalno sadržavati:

- a) ukupan broj KOD-ova u izvlačenju
- b) mjesto, vrijeme i način izvlačenja dobitnika
- c) broj i datum Rješenja Federalnog ministarstva finansija,
- d) datum i naziv medija u kojem su pravila nagradne igre objavljena
- e) imena i prezimena članova komisije
- f) imena, prezimena i mail adrese dobitnika (*ako je unesena*)
- g) broj mobitela dobitnika
- h) grad dobitnika
- i) dobitni kod
- j) naziv i vrijednost nagrade
- k) alternativni dobitnici.

FOND NAGRADA

Član 19.

Nagradni fond sastoji se od:

1. 140 paketa srećki u vrijednosti 50 KM
2. 10 x Mobitel
3. 7 x Play Station
4. 3 x Dron
5. 3 x Putovanje (*Pariz, Andaluzija i Barselona*)

NAGRADE	KOLIČINA	JEDINIČNA CIJENA BEZ PDV-A	UKUPNA CIJENA BEZ PDV-A	UKUPNA CIJENA SA PDV-OM
Mobiteli	10	898,08 KM	8.980,80 KM	10.507,54 KM
Poklon Paketi	140	50,00 KM	7.000,00 KM	7.000,00 KM
Play station	7	1.145,00 KM	8.015,00 KM	9.377,55 KM
Dron	3	798,80 KM	2.396,40 KM	2.803,79 KM
Putovanje	3	2.333,33 KM	7.000,00 KM	8.190,00 KM

Ukupni nagradni fond iznosi **37.878,88 sa PDV-om.**

Ukupnan iznos nagrada kao i porez na dohodak za navedene nagrade snosi Lutrija BiH i isti finansira iz vlastitih sredstava.

Član 20.

Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila.

Član 21.

Ukupni troškovi organizovanja igre iznose 43.582,59 KM i sastoje se od:

- nagradni fond	37.878,88 <u>KM</u>
- 6 % ukupne vrijednosti nagradnog fonda - humanitarne organizacije	2.272,73 <u>KM</u>
- Porez na dohodak	3.430,99 KM

NAČIN OBAVJEŠTENJA I OBJAVLJIVANJA DOBITNIKA NAGRADA

Član 22.

Svi dobitnici nagrada bit će obaviješteni o osvojenim nagradama, u roku od 8 dana od dana izvlačenja nagrada, telefonskim putem. Ukoliko ne bude moguće kontaktirati prvobitnog dobitnika nagrade, gubi pravo na istu, te se obavještavaju alternativni dobitnici po redoslijedu kako su izvučeni.

Dobitnik nagrade je dužan dati sve potrebne informacije kontakt osobi Organizatora nagradne igre, kako bi mu se nagrada uspješno uručila. Nagrade se preuzimaju uz predočenje ličnih dokumenata.

Nagrada će biti uručena samo ako dobitnik ima pravo da učestvuje i ako u potpunosti prihvata ova Pravila. Ako se utvrdi da izvučeni dobitnik nema pravo na učešće, obavještava se alternativni dobitnik.

Učesnici mogu biti pozvani da učestvuju u javnim događajima. Dobitnici u nagradnoj igri prihvataju uslov da njihova imena, adrese i fotografije, mogu biti korišteni i objavljeni kao foto, audio i videomaterijal od strane Organizatora. Učestvovanjem u nagradnoj igri učesnici daju dozvolu Organizatoru da u toku trajanja nagradne igre, koristi njihova imena i/ili ličnost radi reklame ili prodaje bez kompenzacije.

Ukoliko zbog okolnosti za koje nije kriv Organizator (dostavljeni pogrešni lični podatci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavjestiti glavnog/alternativnog dobitnika nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

Član 23.

Imena dobitnika nagradne igre će biti objavljena na web stranici Organizatora www.lutrijabih.ba, Facebook stranici i Instagram stranici Lutrije BiH najkasnije dan nakon izvlačenja.

Ukoliko je dobitnik osoba sa posebnim potrebama, nagrada će biti uručena staratelju s kojim ta osoba živi, pri čemu je staratelj dužan priložiti validnu dokumentaciju, odnosno dokument kojim dokazuje status staratelja.

MJESTO I ROK PODIZANJA NAGRADA

Član 24.

Dobitnici će preuzeti osvojene nagrade u Lutriji Bosne I Hercegovine, koja se nalazi na adresi Mehmeda Spahe br.11, Sarajevo u roku od 30 /trideset/ dana od dana prijema obavijesti od strane Lutrije BiH.

Član 25.

Ako dobitnik u roku od 30 dana od dana prijema obavijesti o osvojenoj nagradi, ne preuzme osvojenu nagradu, gubi pravo na nagradu, a Organizator će postupiti u skladu sa

članom 11. Pravilnika o sadržaju pravila, uslovima i načinu priređivanja nagradnih igara.

Član 26.

Prilikom preuzimanja nagrade dobitnik je potpisuje izjavu o preuzimanju nagrade.

Član 27.

Učesnici u nagradnoj igri prihvataju da njihova imena mogu biti korištena i objavljivana, kao i to da organizator može koristiti njihove mail adrese i brojeve telefona u svrhu slanja oglasa i poruka promotivnog sadržaja. Organizator će prikupljanje, obradu i evidenciju ličnih podataka provoditi isključivo u skladu sa Zakonom o zaštiti ličnih podataka.

Član 28.

Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada.

Član 29.

Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

USLOVI POD KOJIMA SE NAGRADNA IGRA MOŽE IZMIJENITI, PREKINUTI ILI OTKAZATI

Član 30.

U slučaju prolongiranja, otkazivanja, prekida ili stavljanja u stanje mirovanja nagradne igre usljed nastupanja vanrednih okolnosti (zaraze računarskim virusom, bagova, manipulacije, neovlaštenog zahvata, prevare, tehničkog kvara, ljudske pogreške koja je izvan kontrole Organizatora) ako je time ugroženo upravljanje, sigurnost, pravičnost, etičnost ili ispravna provedba nagradne igre, organizator će o navedenom obavijestiti Federalno ministarstvo finansija.

Član 31.

Federalno ministarstvo finansija daje saglasnost na izmjenu pravila igre, prekid i otkazivanje nagradne igre.

Član 32.

Organizator zadržava sva prava izmjene Pravila nagradne igre u bilo koje vrijeme tokom trajanja nagradne igre, uz prethodnu saglasnost Federalnog ministarstva finansija.

Svaka izmjena nagradne igre, uključujući produženje ili skraćivanje trajanja nagradne igre, bit će objavljena na web stranici Lutrije BiH www.lutrijabih.ba. i u istim dnevnim novinama u kojima su Pravila bila objavljena.

Član 33.

Organizator ne preuzima odgovornost ako učesnik nije upoznat sa izmjenama pravila nagradne igre, ukoliko su ista objavljena na web stranici Organizatora.

Član 34.

Organizator ne preuzima odgovornost u slučaju da je dobitnik pružio netačne podatke ili informacije, koje su dovele do nemogućnosti dodjeljivanja nagrade.

Član 35.

Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

KORIŠTENJE LIČNIH PODATAKA

Učešćem u nagradnoj igri, učesnici potvrđuju prihvaćanje ovih Pravila i daju saglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Organizatora.

Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu upoznati sa podacima.

Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.

Učesnici prihvaćanjem ovih Pravila daju svoju saglasnost da, ako postanu dobitnici nagrada, organizator može proslijediti njihove lične podatke trećim licima (odabranoj dostavnoj službi isključivo u svrhu dostave osvojene nagrade u nagradnoj igri, u računovodstvene svrhe radi eventualnog plaćanja poreza na dohodak), isključivo u svrhu provođenja ove nagradne igre.

Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (ime i prezime) Organizator može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.

Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvaća da takvo povlačenje saglasnosti uzrokuje nemogućnost daljnjeg učešća u nagradnoj igri.

NADLEŽNOST SUDA

Član 36.

Sve žalbe, prigovore i reklamacije rješava Organizator nagradne igre.

U slučaju opravdanih pritužbi, Organizator se obavezuje da će ih otkloniti u najkraćem mogućem roku i obavijestiti učesnika.

Svi eventualni sporovi između Organizatora i učesnika odnosno dobitnika rješavaće se sporazumno

U slučaju da spor nije moguće riješiti sporazumno, isti rješava Općinski sud u Sarajevu.

Član 37.

Ova Pravila se primjenjuju danom objavljivanja u jednoj od dnevnih novina i bit će objavljena i na web stranici Organizatora.

DIREKTOR

Edhem Pašukan s.r.